

REGLUR

um breytingar á reglum fyrir Kennaraháskóla Íslands nr. 843/2001.

1. gr.

6. gr. *Stjórnsýsla Kennaraháskóla Íslands*, orðist svo:

Stjórnsýslu Kennaraháskóla Íslands er skipað á eftirtalin svið: Kennslusvið, rannsóknarsvið, rekstrarsvið og þjónustusvið.

Kennslusvið nær til málefna er lúta að kennslu sem tekur til grunnmenntunar, símenntunar og framhaldsmenntunar, inntöku nemenda og skráningu þeirra, prófahaldi, námsráðgjöf, vettvangsnámi og alþjóðamálum sem snerta nám og kennslu. Deildarforsetar grunn- og framhaldsdeildar eru framkvæmdastjórar kennslusviðs, sbr. 9. gr.

Rannsóknarsvið nær til málefna sem lúta að rannsóknum innan háskólans, rannsóknarsjóðum, mati á rannsóknarstarfsemi, alþjóðlegum rannsóknar- og þróunarverkefnum, þjónusturannsóknum, starfi Rannsóknarstofnunar skólans og miðstöðva tengdra ákveðnum verkefnum og fagsviðum. Framkvæmdastjóri rannsóknarsviðs er jafnframt forstöðumaður Rannsóknarstofnunar, sbr. 14. gr.

Rekstrarsvið nær til málefna er lúta að fjármálastjórn, fjárhagsáætlunum, reikningshaldi, rekstri og viðhaldi bygginga og almennum starfsmannamálum, þar með töldum launamálum. Framkvæmdastjóri rekstrarsviðs er jafnframt fjármálastjóri skólans.

Þjónustusvið nær til málefna sem lúta að Menntasmiðju Kennaraháskólans, þ.e. þjónustu til stuðnings námi, kennslu og rannsóknum í Kennaraháskólanum, þ.m.t. tölvu- og kerfisþjónustu. Framkvæmdastjóri þjónustusviðs er jafnframt framkvæmdastjóri Menntasmiðju, sbr. 13. gr.

Rektor og háskólaráði er heimilt að fela framkvæmdastjóra rekstrarsviðs vald til að skuldbinda háskólann og stofnanir hans fjárhagslega. Hann hefur ásamt rektor og háskólaráði yfirumsjón með gerð fjárhagsáætlunar háskólans og framkvæmd hennar samkvæmt fjárlögum. Hann hefur einnig umsjón með sjóðum hans.

Eigi sjaldnar en á fimm ára fresti skal háskólaráð láta fara fram úttekt á stjórnsýslu háskólans.

2. gr.

11. gr. *Fagrád*, orðist svo:

Kennurum á hverju fagsviði er heimilt að stofna fagrád fyrir sviðið. Til stofnunar fagráðs skal boðað með auglýsingu innan skólans að fengnu samþykki rektors. Fagrád kýs sér formann til eins almanakárs í senn. Fagrád skal halda fundargerðir og skulu þær birtar á vef skólans. Fagrád getur heimilað fulltrúum nemenda að taka þátt í störfum ráðsins að hluta til eða að öllu leyti.

Hlutverk fagráðs er að vera til ráðgjafar á viðkomandi fagsviði. Að öðru leyti eru megin viðfangsefni þessi:

1. Að vera ráðgefandi um framboð á námskeiðum á sínu fagsviði.

2. Móta tillögur um umbætur á kennslu á sínu sviði og þróun náms- og kennsluskrár í samráði við námsnefndir og deildarráð.
3. Efla rannsóknir á sínu sviði í samstarfi við rannsóknarsvið skólans og stuðla að samstarfi kennara um rannsóknarverkefni.
4. Veita ráðgjöf um innkaup og aðstöðu til kennslu á sviðinu.
5. Leggja fram hugmyndir um verkefni á sviði símenntunar.
6. Fjalla um mál sem beint er til fagráða af háskólaráði, rektor, kennslusviði, rannsóknarsviði, þjónustusviði, rekstrarsviði eða aðilum utan skólans.

3. gr.

13. grein, *Menntasmiðja Kennaraháskóla Íslands*, orðist svo:

Meginhlutverk Menntasmiðju Kennaraháskólans er að veita nemendum og starfsfólki þjónustu vegna náms, kennslu og rannsókna. Hún er jafnframt opin öðrum sem sérhæfð þjónustumiðstöð á sviði kennslu, uppeldis, umönnunar og þjálfunar.

Í Menntasmiðju er veittur aðgangur að heimildum, tækjakosti og hugbúnaði og höfð umsjón með tölvukerfi skólans. Þar er einnig veitt leiðsögn og aðstoð á sviði kennslutækni, gagnagerðar og upplýsinga- og samskiptatækni og við heimildaöflun.

4. gr.

14. grein, *Rannsóknarsvið*, orðist svo:

Háskólaráð skipar framkvæmdastjóra rannsóknarsviðs að fenginni tillögu rektors til fjögurra ára í senn. Framkvæmdastjóri skal vera dósent eða prófessor við Kennaraháskóla Íslands eða hafa dósent- eða prófessorshæfi að mati dómnefndar.

Stefnumörkun og fagleg stjórn rannsóknarsviðs er falin fimm manna vísindaráði sem skipað er til þriggja ára í senn. Skipunartími miðast við 1. janúar. Háskólaráð skipar fimm fulltrúa í vísindaráð, þar af einn formann, og þrjá varafulltrúa að fengnum tillögum rektors. Í vísindaráð skal skipa a.m.k. einn fulltrúa sem starfar utan Kennaraháskólans. Framkvæmdastjóri rannsóknarsviðs situr fundi vísindaráðs.

Vísindaráð markar stefnu rannsóknarsviðs um tilhögun og framkvæmd rannsókna og mótar starfshætti sviðsins. Vísindaráð mótar reglur fyrir rannsóknartengda sjóði sem heyra undir rannsóknarsvið, s.s. rannsóknarsjóð, vinnumatssjóð og aðstoðarmannasjóð og hefur umsjón með úthlutun úr þeim. Háskólaráð staðfestir reglurnar.

Vísindaráð heldur fund með framkvæmdastjórum kennslusviðs og þjónustusviðs og formönnum fagsviða að minnsta kosti einu sinni á ári og gefur árlega út skýrslu um starfsemina og þau verkefni sem unnin eru á rannsóknarsviði.

Innan rannsóknarsviðs er heimilt að setja upp tímabundnar eða ótímabundnar rannsóknarmiðstöðvar eða rannsóknarstofur um ákveðin verkefni.

5. gr.

15. grein, *Rannsóknarstofnun*, orðist svo:

Hlutverk Rannsóknarstofnunar er að efla og annast rannsóknir og aðra nýsköpun þekkingar við Kennaraháskólann með það að markmiði að auka þekkingu á þeim fræðasviðum sem tengjast hlutverki Kennaraháskóla Íslands sem miðstöðvar kennara- og uppeldismenntunar á Íslandi.

Framkvæmdastjóri rannsóknarsviðs er jafnframt forstöðumaður Rannsóknarstofnunar skólans. Stjórn Rannsóknarstofnunar er falin vísindaráði.

Rannsóknarstofnun er heimilt að stunda þjónusturannsóknir. Með þjónusturannsóknum er átt við rannsóknir sem unnar eru fyrir eða í tengslum við aðila utan háskólans gegn endurgjaldi samkvæmt gjaldskrá skólans hverju sinni.

Rannsóknarstofnun Kennaraháskólans skal vera starfsmönnum skólans til ráðuneytis og aðstoðar við undirbúning, framkvæmd og úrvinnslu vegna rannsóknar- og þróunarverkefna svo og við miðlun þekkingar sem tengist slíkum verkefnum. Þessi þjónusta skal eftir því sem aðstæður leyfa veitt uppeldisstéttum og nemendum skólans.

Heimilt er að ráða sérfræðinga, fræðimenn eða vísindamenn til starfa við Rannsóknarstofnun. Stofnunin getur einnig leitað til starfsfólks Kennaraháskólans um samstarf vegna tiltekinna verkefna sem unnin eru á vegum hennar. Kennarar skólans geta fullnægt rannsóknarskyldu sinni að nokkru eða öllu leyti með störfum í þágu Rannsóknarstofnunar.

Rannsóknarstofnun skal kynna niðurstöður rannsóknar- og þróunarstarfs við skólann, skipuleggja málstofur, fyrirlestra og ráðstefnur ýmist á eigin vegum eða í samvinnu við aðra. Rannsóknarstofnun er heimilt að standa fyrir útgáfu skýrsla um rannsóknir, bóka og tímarita.

Háskólaráð setur sérstakar starfsreglur um Rannsóknarstofnun sem menntamálaráðherra staðfestir. Í þeim reglum er m.a. fjallað um ráðstöfun tekna af þjónusturannsóknnum.

6. gr.

15. gr. *Lestrarmiðstöð*, fellur niður.

7. gr.

16. gr. (ný grein) *Íþróttافرæðasetur Kennaraháskóla Íslands*.

Íþróttافرæðasetur Kennaraháskóla Íslands er staðsett á Laugarvatni. Það hefur umsjón með kennslu og námi við skólann á sviði íþróttافرæða. Við Íþróttافرæðasetrið er einnig unnið að rannsóknnum og þróunarverkefnum. Forstöðumaður fer með daglega stjórnun Íþróttافرæðasetursins. Starfsemi setursins fellur undir þau stjórnsýslusvið Kennaraháskólans sem tiltekin eru í 6. gr.

8. gr.

Númer greina sem á eftir koma breytast í samræmi við það sem hér kemur fram.

9. gr.

Reglur þessar, sem settar eru á grundvelli laga nr. 136/1997 um háskóla og laga nr. 137/1997 um Kennaraháskóla Íslands, voru samþykktar á fundi háskólaráðs Kennaraháskóla Íslands 12. nóvember 2002 og taka þegar gildi.

Kennaraháskóla Íslands, 24. janúar 2003.

Ólafur H. Jóhannsson,

varaforseti háskólaráðs Kennaraháskóla Íslands.

AUGLÝSING

um breyting á aðalnámskrá framhaldsskóla.

1. gr.

Menntamálaráðherra hefur staðfest breytingu á almennum hluta aðalnámskrár framhaldsskóla, sbr. auglýsingu nr. 274/1999 um gildistöku aðalnámskrár framhaldsskóla, svo sem nánar er kveðið á um í auglýsingu þessari.